

Timmissat illersorneqarnerat piniagaanerallu pillugit Namminersornerullutik Oqartussat nalunaarutaat

Pinngortitamik illersuineq pillugu Inatsisartut inatsisaanni nr. 29, 18. december 2003-meersumi § 5, § 35, § 36, imm. 2 aamma § 60, imm. 2 kiisalu Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-meersumi § 8, § 13, imm. 3 aamma § 17, imm. 2 kingullermik Inatsisartut inatsisaat nr. 1, 16. maj 2008-meersukkut allangortinneqartoq naapertorlugu aalajangersarneqarput:

Atuuffi

§ 1. Nalunaarut nunami aalisarnikkullu Kalaallit Nunaata oqartussaaffigisaani atuuppoq.

§ 2. Inuit piniarnermut allagartamik atuuttumik peqartut kisimik timmiarniarsinnaapput manniarsinnaallutillu.

Eqqissisimatitsilluinnarneq

§ 3. Timmissat tamarmik eqqissisimatitaalluinnarput, taamaattoq takukkit §§ 4 - 6.

Ukiakkut ukiuuneranilu pisasssiissutitalimmik timmiarniarneq

§ 4. Timmissat imarmiut ukiaanerani ukiuuneranilu imm. 2-mi aamma imm. 3 sumiiffinni taaneqartuni piffissat piniarfiusinnaasut taaneqartut iluini makku piniarneqarsinnaapput:

Imm. 2. Nunap Isuaniit Qeqqata kommuniata avannamut killeqarfianut:

- | | |
|---|------------------------------|
| 1) Appa <i>Uria lomvia</i> | 15. oktober - 28/29. februar |
| 2) Appa sigguttooq <i>Uria aalge</i> | 15. oktober - 28/29. februar |
| 3) Miteq siorartooq <i>Somateria molissima</i> | 15. oktober - 15. marts |
| 4) Miteq siorakitsoq <i>Somateria spectabilis</i> | 15. oktober - 28/29. februar |

Imm. 3. Qeqqata kommuniata avannamut killeqarfianiit Qaanaami aqutsiviup avannamut killeqarfianut

Tunumilu:

- | | |
|---|-------------------------------|
| 1) Appa <i>Uria lomvia</i> | 1. september - 28/29. februar |
| 2) Appa sigguttooq <i>Uria aalge</i> | 1. september - 28/29. februar |
| 3) Miteq siorartooq <i>Somateria molissima</i> | 15. oktober - 31. marts |
| 4) Miteq siorakitsoq <i>Somateria spectabilis</i> | 15. oktober - 28/29. februar |

Imm. 4. Inuit inuussutissarsiutigalugu piniarnermut allagartallit piffissani imm. 2 - 3-milu taaneqartuni ullormi aallaaniarfiusumi ataatsimi appanik, appanik sigguttuunik, miternik siorartuunik miternillu siorakitsunik amerlanerpaamik ataatsimut katillugit 30-nik pisaqarsinnaapput.

Imm. 5. Inuit sunngiffimmi aallaaniarsinnananermut allagartallit piffissani imm. 2 - 3-milu taaneqartuni ullormi aallaaniarfiusumi ataatsimi appanik, appanik sigguttuunik, miternik siorartuunik miternillu

siorakitsunik amerlanerpaamik ataatsimut katillugit tallimanik (5) pisaqarsinnaapput.

Imm. 6. Ulloq aallaaniarfusooq ataaseq imm. 4 – 5-ilu naapertorlugit paasineqassaaq ullortut unnuartullu inuup taassuma piniarfigisaatut ataatsit. Ulluni aallaaniarfusuni aallaaniarfungitsunilu pisassiissutit pisinngitsuukkat pissamaasiunneqarsinnaanngillat. Taamatuttaaq kingusinnerusukkat ullormut pisassaagaluit siumoortumik atorneqarsinnaanngillat.

Imm. 7. Ullormi piniarfusumi ataatsimi pisassiissutit imm. 4 – 5-ilu naapertorlugit inuup nammineq pigisarai allanullu tunniunneqarsinnaanatik.

Upernaakkut pisassiissutitalinnik timmiarniarneq

§ 5. Sumiiffiit piffissallu piniarfusinnaasut imm. 2 – 4-mut aalajangersakkat taaneqartut iluanni upernaakkut piniarnermi nammineq atugassatut timmissat imarmiut makkua piniarneqarsinnaapput.

Imm. 2. Qeqqata kommuniata avannamut killeqarfianiit Qaanaami aqutsiveqarfiup kujammut killeqarfianut, ilanngussaq 1 malillugu:

- | | |
|--|----------------------|
| 1) Miteq siorartooq <i>Somateria molissima</i> | 1. april - 30. april |
|--|----------------------|

Imm. 3. Ittoqqortoormiit aqutsiveqarfianni, ilanngussaq 2 malillugu:

- | | |
|---|--------------------|
| 1) Appa <i>Uria lomvia</i> | 1. marts - 31. ma |
| 2) Appa sigguttooq <i>Uria aalge</i> | 1. marts - 31. maj |
| 3) Miteq siorartooq <i>Somateria molissima</i> | 1. april - 31. maj |
| 4) Miteq siorakitsoq <i>Somateria spectabilis</i> | 1. marts - 31. maj |

Imm. 4. Qaanaami aqutsiveqarfimmi, ilanngussaq 3 malillugu:

- | | |
|---|---------------------|
| 1) Appa <i>Uria lomvia</i> | 1. marts - 15. juni |
| 2) Appa sigguttooq <i>Uria aalge</i> | 1. marts - 15. juni |
| 3) Miteq siorartooq <i>Somateria molissima</i> | 1. april - 15. juni |
| 4) Miteq siorakitsoq <i>Somateria spectabilis</i> | 1. marts - 15. juni |

Imm. 5. Imm. 2 – 4-mut piffissani taaneqartuni ullormi aallaaniarfusumi ataatsimi timmissat taaneqartut amerlanerpaamik katillugit tallimat (5) pisaqarsinnaapput.

Imm. 6. Ulloq aallaaniarfik imm. 5 malillugu paasineqassaaq ullortut unnuartullu aallaaniarfigineqartut. Ulluni aallaaniarfusuni aallaaniarfungitsunilu pisassiissutit pisinngitsuukkat pissamaasiunneqarsinnaanngillat. Taamatuttaaq kingusinnerusukkat ullormut pisassaagaluit siumoortumik atorneqarsinnaanngillat.

Imm. 7. Ullormi piniarfusumi ataatsimi pisassiissutit imm. 5 naapertorlugit inuup nammineq pigisarai allanullu tunniunneqarsinnaanatik.

Pisassiissutitaqanngitsumik timmiarniarneq

§ 6. Timmissat makku piffissat piniarfusussat taaneqartut iluanni piniarneqarsinnaapput:

- | | |
|--|----------------------------|
| 1) Oqaatsoq <i>Phalacrocorax carbo</i> | 1. september - 31. marts |
| 2) Tuullik <i>Gavia immer</i> | 1. september – 15. oktober |
| 3) Qaulluk (Malamuk) <i>Fulmarus glacialis</i> | 1. september - 31. oktober |
| Qeqqata kommuniata avannamut killeqarfianiit Qaanaami aqutsiveqarfiup kujammut killeqarfianut ileqqusumik qaqqulluit piaraannik piniarnissaq 15. augustip tungaanut ajornanngilaq. | |
| 4) Nerleq siggukitsoq <i>Anser brachyrhynchus</i> | 1. september - 30. april |

- Ittoqqortoormiit aqutsivianni timmissat ingerlaartut pisarineqarsinnaapput 31. maj tikillugu.
- 5) Nerlernaq *Branta leucopsis* 1. september - 30. april
Ittoqqortoormiit aqutsiveqarfianni timmissat ingerlaartut pisarineqarsinnaapput 31. maj tikillugu.
- 6) Canadap nerlia *Branta Canadensis* 15. august - 15. oktober
- 7) Qeerlutooq *Anas platyrhynchos* 1. september - 28/29. februar
- 8) Alleq *Clangula hyemalis* 1. september - 28/29. februar
- 9) Serfaq *Cephus grylle* 1. september - 31. marts
- 10) Aappaliarsuk *Alle alle* 1. september - 30. april
Qaanaap Ittoqqortoormiillu aqutsiveqarfiini appaliarsunniarneq piaraannillu katersineq ukioq kaajallallugu ajornanngilaq.
- 11) Naajaannaq *Larus glaucoides* 1. september - 30. april
- 12) Naajarujuusuaq *Larus hyperboreus* 1. september - 30. april
- 13) Naajarluk *Larus marinus* 1. september - 30. april
- 14) Taateraaq *Rissa tridactyla* 15. august - 28/29. februar
- 15) Aqisseq *Lagopus mutus* 1. september - 30. april
Qeqqata kommuniata avannamut killeqarfianiit Qaanaami aqutsiveqarfiup kujammut killeqarfianut aqisseq 31. maj tikillugu pisarineqarsinnaavoq
- 16) Tulugaq *Corvus corax* 1. september - 28/29. februar

Mannissarneq

§ 7. Mannissarneq inerteqqutaavoq, taamaattoq takukkit imm. 2 - 6.

Imm. 2. Nammineq atugassanik qaquillit, naajarluit naajarujuusuillu mannii ukioq taanna 31. maj ilanngullugu katersorneqarsinnaapput.

Imm. 3. Inuit piniarnermut allagartallit § 13, imm. 4 malillugu ukioq taanna 31. maj ilanngullugu naajarujuusuit naajarluillu manniinik tuniniagassaminnik katersisinnaapput.

Imm. 4. Inuit Qeqqata kommuniataavannamut killeqarfianiit Qaanaami aqutsiviup kujammut killeqarfia tikillugu najugallit namminneq atugassaminnik najarluit naajarujuusuillu manniinik ukioq taanna 15. juni ilanngullugu katersisinnaapput.

Imm. 5. Inuit piniarnermut allagartallit Qeqqata kommuniataavannamut killeqarfianiit Qaanaami aqutsiveqarfiup kujammut killeqarfia tikillugu najugallit naajarujuusuit naajarluillu manniinik ukioq taanna 15. juni ilanngullugu § 13, imm. 4 malillugu tuniniagassaminnik katersisinnaapput.

Imm. 6. Inuit Ittoqqortoormiit Qaanaallu aqutsiveqarfiini najugallit namminneq atugassaminnik appaliarsuit manniinik katersisinnaapput.

Imm. 7. Mannissarniarnermi allunaasat, majuartarfiit, allunaasat innartornermi atortartut innartornermilu atortut allat atornissaat inerteqqutaavoq.

Timmissat piaqqiorfi

§ 8. Nalunaarummi matumani timmissat piaqqiorfigalugu ineqarfiattut paasineqassaaq timmissat imarmiut aappariikkuutaat ikinnerpaamik qulit piaqqiorfigisaat.

Imm. 2. Piffissami 15. april – 15. septemberimut eqqarneq allatulluunniit pisariaqanngitsumik ajoqusersuineq, taakkununga ilaalluni angallammik angalaneq, timmissat piaqqiorfiniit ungasissutsit uku iluini inerteqqutaavoq:

- 1) 1000 meter, timmissat piaqqiorfiat appanit, appanit sigguttuunit, apparlunnit, appaliarsunnit, taateraani, qaqlunnit oqaatsunilluunniit najorneqarsimappat. Timmisartunik suluusalinnik helikopterinilluunniit 3000 meterinit qaninnerullugit timmiffiginissat inerteqqutaavoq.
- 2) 200 meter, timmissat piaqqiorfiat qeqertaasimappat qeqertaasaallunuunniit miternit, serfanit, qilannanik, imeqqutaallanit naajanillu, taateraajunngitsunit, najorneqartoq.

Imm. 3. Imm. 2-mi aalajangersagaq apeqqutaatinnagu § 7 naapertorlugu mannissartoqarsinnaavoq.

Imm. 4. Imm. 2-mi aalajangersagaq apeqqutaatinnagu angallatit aqputaat nalunaaqutsersukkat angallammik aqqutigineqarsinnaapput.

Sumiiffiit timmissat illersugaaffi

§ 9. Piffissami 1. majimiit - 31. augustimut summiiffinni ukunani taakkunanngalu 500 meterisut ungasitsigisumi, nunamut niunissaq allatulluunniit angalaarnissaq inerteqqutaavoq:

- 1) Qeqertat kujataanni Lion Øer (Avanersuup aqutsiveqarfiani).
- 2) Kuup Apparsui / Kap Schackleton (Upernaviup aqutsiveqarfiani).
- 3) Toqqusaaq (Upernaviup aqutsiveqarfiani).
- 4) Kingittuarsuk, Angisup avannaani kitaani (Upernaviup aqutsiveqarfiani).
- 5) Upernaviup Apparsui / Sandersons Hope (Upernaviup aqutsiveqarfiani).
- 6) Kippakup Apparsuit (Upernaviup aqutsiveqarfiani).
- 7) Salleg (Uummannap aqutsiveqarfiani).
- 8) Imerissut eqqaanni Assissut, ikkarluit (Qeqertarsuup aqutsiveqarfiani).
- 9) Kitsissuarsuit eqqaanni Nunatsiaq (Aasiaat aqutsiveqarfiani).
- 10) Kitsissunnguit eqqaanni Saattuarssuit (Aasiaat aqutsiveqarfiani).
- 11) Akuliarutsip Sermersuata eqqaanni Naternap tunuani kangerluup affarlia Tasiarsuaq (Kangaatsiup Qasigianguillu aqutsiveqarfiani).
- 12) Appat Innaat (Ilulissat aqutsiveqarfiani).
- 13) Kitsissut Avalliit (Qaqortup aqutsiveqarfiani).

Imm. 2. Imm. 1-mi aalajangersakkat apeqqutaatinnagit aqputit nalunaarsukkat angallammik ingerlavigineqarsinnaapput.

Ullunik, manninnik piaqqanillu illersuineq

§ 10. §§ ini 8 – 9 timmissat piaqqiorfi pillugit aamma sumiiffinni timmissat illersugaaffinik eqqissimatitsinissamik aalajangersakkat immikkut ittut avataasigut, Kalaallit Nunaanni tamarmi timmissat ulluisa nutaat inigineqartulluunniit kiisalu timmissat manniisa piaraasalu ajoqusersinnaat akornusersorneqarnissaalluunniit inerteqqutaavoq.

Imm. 2. Imm. 1-mi pineqanngillat § 6, imm. 1. nr. 3 aamma 10 naapertorlugu appaliarsuit qaqluillu piaraannik manninnillu katersineq § 7 naapertorlugu.

§ 11. Angallat ingerlatillugu angallammit timmissanik timmisunik malersuineq piniarnerlu inerteqqutaavoq.

Imm. 2. Qeerlutuunik nerlernillu isasunik ungoorilluni piniarnerq inerteqqutaavoq.

Imm. 3. Timmisartuniit, qamutinit motorimik ingerlatilinniit qamuteralannillu (snescooter) timmiarniarnerq inerteqqutaavoq.

§ 12. Timmissanik piniarnermi pisaqarnermilu taamaallaat aallaasit makku piniutaasinnaapput:

1) Timmiarsiutit annerpaamik 12-erit (kaliber 12) qoorortuuararlu minnerpaamik caliber 0.22.

2) Timmiarsiutit singissaartullit ("Pump gun") annerpaamik 12-erit (kaliber 12) marluinnarnik patroneqarsinnaasut.

3) Nuffit.

4) Qaanaap Ittoqqortoormiillu aqutsiveqarfiini appaliarsunniarnermi qalut aamma naperniutit ipullit.

Qaulluit piaraannik ileqqusumik piniarnerq § 6 imm. 1, nr. 3 naapertorlugu allaat atornagu pissaaq, piaqqat immamiippata aamma minnerpaamik 1000 meterit timmissat piaqqiorffinit ungasinneruppata.

Timmissanik manninnillu tuniniaaneq

§ 13. Taamaallaat piniarnermut allagartallit timmiartaminnik tuniniaasinnaapput suliarineqanngitsunik, erisakkanik atoriaannangorlugilluunniit saleriikkanik, taamaallaalli angerlarsimaffimmik aqutsiveqarfiata iluani, takuuk ilanngussa 4.

Imm. 2. Timmissat aalisarnermi pisisuukkat tuniniaqqusaanngillat

Imm. 3. Imm. 1 naapertorlugu taamaallaat appanik, appanik sigguttuunik, miternik aamma miternik siorakitsunik tunisisoqarsinnaavoq § 4, imm. 2 – 3-milu piffissani piniarfusussatut aalajangersakkani najukkamilu aqutsisoqarfiup iluanni. Timmissanik allanik tunisineq pisinnaavoq timmissanut pineqartunut piffissat piniarfusussat iluini tamani, kisianni aqutsisoqarfiup najukkamik iluanni, takuuk § 6.

Imm. 4. Taamaallaat piniarnermut allagartallit naajat manniinik suliarineqanngitsunik atuisunut tuniniaasinnaapput kisianni aqutsisoqarfiup najukkamik iluanni, takuuk § 7, imm. 3 aamma 5.

Imm. 5. Timmissat pisat inuussutissarsiutigalugu nioqqutissiarineqassanngillat, suliarineqaratik qeritinneqaratilluunniit Aalisarnermut, Piniarnermut Nunalerinermullu Naalakkersuisumit akuersisummik pereersimatinnani.

Imm. 6. Imm. 5 naapertorlugu akuersisummi najukkami timmissat illersorniarlugit piffissamut aamma sumiiffimmut tunisinermilu amerlassutsinut piumasaqaatinik aalajangersaasoqarsinnaavoq.

Akuersisummi aammattaaq tuniniaanermi piumasaqaatinik aalajangersaasoqarsinnaavoq, tamanna najukkami timmissat illersorneqarnissaannut sunniuteqaqataasinnaappat.

Nalunaaqutsersuutit, nalunaaquttat nassitsissutillu timmissaniittut nassaarineqartut

§ 14. Nalunaaqutsersuutit, nalunaaquttat, radiukkat aamma qaammataasakkoortumik nassitsissutit sumi qangalu timmissap pisiarinqarsimaneranik paasissutissartalerlugit Pinngortitaleriffimmut nassiunneqartassapput.

Piniarnerq pisallu pillugit nalunaaruteqartarnerq

§ 15. Timmissat pisat tamarmik, matumani aamma timmissat aalisarnermi saniatigut pisat tamarmik, ukiumoortumik *Piniarnerq-mut* nalunaarutigineqartassapput, taakku *Piniarnerq-mi* pisanik nalunaarsuiffimmi immersugassami ilaappata.

Imm. 2. Manniit inuussutissarsiteqarnermut atatillugu aamma nammineq atugassatut katersukkat ukiumoortumik *Piniarneq-mut* nalunaarutigineqassapput, taakku *Piniarneq-mi* pisanik nalunaarsuiffimmi immersugassami ilaappata.

Timmissanik taakkunanngalu nioqqutissianik il.il. nioqquteqarnek annissinerlu

§ 16. Timmissanik eqqissisimatitaalluinnartunik uumasunik toqungasunilluunniit taakkualu ilaannik taakkunanngalu nioqqutissianik tamanut saqqummiussilluni tuniniaanissaq, tunisinissaq pisinissarlu inerteqqutaavoq, taamaattoq takuuk § 13, imm.1, imm.3 aamma imm.4.

§ 17. Timmissat eqqissisimatitat uumasut toqungasulluunniit kiisalu tamakku ilamerngi taakkunanngaluunniit nioqqutissiat Kalaallit Nunaanniit anniseqqusaanngillat.

Imm. 2. Timmissanik eqqissisimatitaasunik kiisalu taakkua ilamernginik nioqqutissianillu nuunnermut atatillugu annissinermi Aalisarnermut, Piniarnermut Nunalerinernullu Naalakkersuisoqarfiup akuersissuteqarsimanissaa piumasaqaataavoq.

Imm. 3. Timmissanik nujuartanik kiisalu taakkua ilamernginik taakkuninngalu nioqqutissianik ilisimatusarnermi imaluunniit ilinniartitsinermi siunertanut atorneqartussanik annissisoqassappat Aalisarnermut, Piniarnermut Nunalerinernullu Naalakkersuisoqarfiup akuersissuteqaqqaarsimanissaa piumasaqaataavoq.

Imm. 4. Timmissat eqqissisimatitaalluinnartut toqungasut nassaat taakkualu ilamerngi pinngortitami qimaannarneqanngippata ingerlaannartumik Pinngortitaleriffimmut imaluunniit politiinut, Pinngortitaleriffimmut tunniunneqanissaannik isumaginnittussanut, tunniunneqassapput.

Timmiaateqarnek, taakkunannga anisitsineq nalunaaqutsersuinerlu

§ 18. Kalaallit Nunaanni nujuartanik timmiaateqarnek inerteqqutaavoq.

Imm. 2. Timmissanik nujuartanik ajoqusersimasunik paaqqutarinninnermi Aalisarnermut, Piniarnermut Nunalerinernullu Naalakkersuisoqarfik imm. 1-ip saneqqunneqarnissaanut immikkut akuersissuteqarsinnaavoq.

§ 19. Timmissanik Kalaallit Nunaannut eqqunneqartunik tamakkulu piaraannik pinngortitamut anisitsineq inerteqqutaavoq.

§ 20. Timmissanik nujuartanik nalunaaqutsersuisoqassappat, ilisimatusaatigalugu timmissanik nujuartanik misissugassanik katersisoqassappat Aalisarnermut, Piniarnermut Nunalerinernullu Naalakkersuisoqarfiup akuersissuteqaqqaarsimanissaa piumasaqaataavoq.

Immikkut akuersissuteqarnek

§ 21. Nalunaarummi matumani aalajangersakkanit Aalisarnermut, Piniarnermut Nunalerinernullu Naalakkersuisoqarfik peqqissuunissamik, ilisimatusarnermik atuartitsinermillu siunertanut kiisalu attaveqatigiinnik pissutsit aamma timmisartukkat angallannerup isumannaatsuunissaata qulakkeernissaanut immikkut akuersissuteqarsinnaavoq.

Kommunit ileqqoreqqusaat

§ 22. Kommunalbestyrelsi kommunip ileqqoreqqusaatigut timmissanik illersuinermut maleruaqqusaliorsinnaavoq §§ 4 – 8-mi aalajangersarneqarsimasunit sakkortunerusunik. Kommunip ileqqoreqqusaa Naalakkersuisunut ilaasortamit akuersissutigalugu atulersinneqassaaq.

Pineqaatissiinerit

§ 23. Nalunaarummi matumani § 2, §§ 3-7, § 8, imm. 2, § 9, imm. 1, § 10, imm. 1, §§ 11-14, §§ 16-17, § 18, imm. 1 aamma §§ 19-20-mi aalajangersakkanik unioqqutitsinerit akiliisitsinermik pineqaatissiissutaasinnaapput.

Atulersitsineq

§ 24. Nalunaarut manna atuutilerpoq ulloq 2. marts 2009.

Imm. 2. Peqatigitillugu timmissat illersorneqarnerat pillugu Namminersornerullutik Oqartussat nalunaarutaat nr. 5, 29. februar 2008-meersoq atorunnaarpoq.

Namminersornerullutik Oqartussat, ulloq 2. marts 2009

Finn Karlsen

/

Amalie Jessen

Ilanngussaq 1

Ilanngussaq 2

Ilanngussaq 3

Ilanngussaq 4

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

